

湖北府縣志輯

卷之六

康熙潛江縣志

光緒潛江縣志續

光緒潛江縣志稿

中國地方志集成

湖北府縣志輯 ④⑥

康熙潛江縣志

光緒潛江縣志續

光緒潛江縣志稿

江蘇古籍出版社 ● 上海書店 ● 巴蜀書社

重刊潛江縣志序

周禮春官小史掌邦國之志鄭注志記也左傳所謂周志國語所謂鄭書皆是也自後作史者有志蓋仿此也夫一朝之典章制度紀志不修若合天下郡縣而城一書則自李吉甫元和郡縣志始近代各省皆有通志均彙各州縣志為成之然則州縣之志所繫厥不重哉安陸縣知有四維潛江地僻而政簡亡後代有傳人至氏山川土田財賦風尚因革盛衰之故紀志不詳乃自康熙以後志久不修又皆残缺漫漶

重刊潛江縣志序

一

攸人不能卒讀即無以考古而傳今遭

編修之後世即此固官時士之責也陽

湖史君於先緒戊寅受篆斯邑甫下

車即取考鏡以失詳稽利弊苦於舊

志無徵乃進父老而詢之則皆以修志為

請夫志固難於作即修之亦易前人具

重刊潛江縣志序

二

有成書及末其補其缺漏詳其變更

已見且夕所修乎事況舊志已閱百餘

年又皆残缺漫漶是名為修與作無異

然及今就文獻可徵見聞所及與失官

牒之可據其草創成書俾後來者有所

依據不特為功於將來抑亦斯邑之幸

也夫千百餘年中官斯土者或有志
未逮今史氏受事甫一載即兢
以此為急閱三月而竣事仍題曰重
刊是又不居修之名也別為後編殆
啓後來之纂輯耳於此可以知其
為政崇實不崇華務遠不務近之


重刊潛江縣志序

三

大端予故樂為之序且以告後之踵
事而成書者

欽加三品銜儘先陞用道知安陸府事

淦水李慶霖撰



重刊潛江縣志序

潛邑以水得名俗所稱蠶洑河者即潛
水也又有蛇埭淵按爾雅江為沱漢為
潛地瀕漢而繫以江明古來沱潛故道皆
在其地前人命名之義如是後禹貢梁
州荊州並言沱潛治經家紛如聚訟蓋

重刊潛江縣志

卷之首序

一

嘗尋究其故潛水性如兗州之濟隱見
不常故曰潛又瀟潛音義相近鄺道
元誤引鄭注埭於桑垣之瀟水蓋瀟疑
實殊不知梁州之潛由漢別出入於漢壽
通峒山大穴中伏流至荊州之域而復見一
則綴於岷嶓之下一則叙於雲夢之上

蔡氏所謂源流於是而見者經文本極分明傳注亦復了當後儒不得其解寧鑿文離蒙蔽千百年之耳目於以知攷古之匪易也予於光緒戊寅承乏斯邑欲周知民間之利病參酌古今之沿革而志乘闕如冥索旁摭久之始得

重刻潛江縣志

卷之首 序

二

成帙又皆蟬蠹之餘湯不可讀邑之父老進曰吾邑澤竟陵縣地其後為安遠鎮宋乾德中始升為潛江縣舊志托始於成化輯於萬厯重修於康熙今且百數十年未有踵其事者惟君侯攢成之予應之曰無以爲壯志之證本乎史

其源出於禮紀傳之外有所不與隻字片文於斯備錄其通博信爲淵海劉知幾言之詳矣蔚宗承祚上揜兩於程輟不爲蓋其慎也縣志之最善者莫如武功之康朝邑之韓靈壽之陸而近如洪稚存章實齋兩先生且

重刻潛江縣志

卷之首 序

三

起而議其後刻以謗陋如予倘能奮其筆舌是又劉知幾所謂強著一書受嗤千載者已然以是邦人物風土之美誠不可任其湮沒惟取舊本重刻之其忠孝節義科名仕宦與夫田賦津梁關乎政治之大者稽攷成案


別為續編訂自光緒四年止脫稿授梓
閱三月而畢功覈其實不驚乎華
志在傳信兼節糜費後有作此以
垂韋先焉可也冉子之言曰如其禮
樂以俟君子予於此蓋有俟焉刻
既成爰書數語於首簡已卯夏五
覃恩二品

重刻潛江縣志

卷之首

序

誥封花翎知府銜直隸州用權潛江縣
事陽湖史致謨撰并書



重刻潛江縣志序

嘗謂邑之有志猶國之有史家之有譜史以
載一朝之隆替譜以序一姓之昭穆志則以紀
一縣之事蹟為政必備舉其邑之縣紀天
輿風土饗祀學校賦役隄防河道秩官選
舉人物土產藝文固不著之於冊以行於當

潛江縣志

卷之首

續序

一

時傳於後世者也言之無文行而不遠固非可
以率爾操觚若吾潛自有宋立縣以來前志
遠而莫稽迨豐城崔公奎修於前而咸化時
有志矣婺源潘公之祥修於後而隆萬時有
志矣去古猶遙舊章半難詳核至清洞鑒
公煥承邵陽王公欽修未竟之意而踵成之

筆者筆削者削原：率二班：可考洵無

愧信史焉然而歷今近二百年矣形勢之變

遷改俗之改易有心世道者不得不因時制宜

以革故而鼎新即如一兵制也舊制所無自咸

豐四年兵燹團勇陣亡者恤典昭然焉可廢

視一典禮也祭器樂章頒行各學為佾舞

潛江縣志

卷之首

續序

二

所當習者至於忠節孝友代有聞人貞義

士久則就泯非有以摭摭搜輯而表揚之竊

恐代遠年湮無從徵文者獻斯六潛之憾事

也欣逢邑侯史公致謨蒞任慨然念志書為

急務捐俸設局裨延劉升俛孝廉襄校嗣

清本學廣文郭公士元董其事進諸生耆儒

而分任之或籌費贊成備顧問或任採訪或

事編次舊志已載者無庸贅贅舊志所闕者

不使漏遺務令二百年之潛德軼事莫不彰明

豈非崔潘王劉諸賢復見於今日哉特慮人往

風微有所見異詞所聞異詞所傳聞又異詞

者不無疑以傳疑之弊而善之從長君子樂

潛江縣志

卷之首

續序

三

道其中女貞一條較舊志似繁然皆四鄉賢紳

故老諸局開報方懼疎漏之貽咎豈敢溢美

以招尤原牘俱在悉可按証茲因剞劂告成

聊述大畧以備將來善作者之採擇焉若夫

草創已矣討論修飾潤色端有賴於碩德名

儒指其疵瑕予以裁成點鐵為金是吾輩之

幸也夫抑亦邑之幸也夫

邑人陳正誠謹撰

時年八十有二

潛江縣志

卷之首

續序

四

潛江縣志序

粵自禹功底定則壤賦成於是職方有志王會有圖而侯甸要荒無不登天府而羅指掌迨乎封建既廢郡邑區分漢興入關爭先圖籍則皇輿所載豈非總核天下者之大要哉我

國家振起維新撫有函夏方今

聖明在御兩葉重熙率土向風已盡海隅日出之地爰命幃幄大臣啟天章之秘閣輯一統之成書非徒潤色太平實臨馭萬方大法大經之所寄也雖然天下

潛江縣志

卷之首

岳序

一

者郡國之所積也郡國者又州邑之所積必州邑之書成而天下之書始不患其無成矣楚地稱雄南紀素爲與區從來問俗採風過都歷塊者無不致其流連憑弔之意余以茲春銜

命視學此方論文課士之餘時得與賢有司相接見往往挾其邑乘以爲羔雉余爲之展帙批圖蓋不啻卧遊而選勝云無何抵於郢境而潛江固郢之屬邑也邑令劉君亦以其所爲邑乘問序於余余受以卒業始知此卷成帙有年而剞劂未就劉君

之志殆將竟前人之業而成不朽之盛者乎乃因之有所感焉自邑乘成帙以至於今固已幾經歲月止浮沈於存亡有無之間至此始得輯其缺略書之棗梨非有過人之材識其能若是歟是劉君者固有以佐一統之全書報循良之最績而余當此地方且跼蹐鉛丹無才賦記亦聊藉此一二言以代俯仰無窮之思可乎是爲序

康熙歲次甲戌仲秋

督學使者岳宏譽題

潛江縣志

卷之首

岳序

二

重修潛江縣志序

聞之周禮外史氏掌四方之志大司徒職邦國土地之圖辯其疆域廣輪邱陵墳衍九穀五物之土宜施之十有二教以均齊天下之政焉後世郡邑志乘卽周外史所掌也政府監修卽周大司徒所職也但敘述典而有則紀載信而不誣後之視前不無時代升降之感矣

今上御宇旣久窮海臣服黑齒雕題重譯來王文德武功遠姬唐虞

潛江縣志

卷之首

劉序

三

詔直省各以其志上

宣付詞臣彙爲一統志百爾守令揆藻競陳余不敏荷蒙

簡命來蒞潛土簪其井里凋殘於河伯視其黔首敝劫於庸調典型淪亡邑乘漫漶詢諸二三耆老週知潛建邑自宋乾德迄今六百年矣志之修輯纔三見焉成化則豐城崔廣文萬厯則邑令潘公伯珂本朝則前令王公黃湄崔潘二志其詞畧其義簡質之弊難爲兩賢無譏焉王公之志討論詳矣辭采

瞻矣第視草未屬專家體例遂致互異有復有漏是亦白璧微瑕美錦片類也王公方欲考閱以成完書而青瑣

命下就徵車以去繼者無暇披覽每逢

憲司徵取但命胥史胡盧鈔謄應故事而已魯魚混淆卷頁倒置寢假至不可讀嗟乎邑乘者

國史之權輿也其可因陋就簡而不爲之改圖乎劉知幾曰文士多史才少發凡舉例任難輕畀謀諸鄉先生博士弟子僉曰朱君悔人譽擅三長昔嘗與

潛江縣志

卷之首

劉序

四

其太公石戶先生于役王公之志者也使君以禮延致之承家學修舊典新邑乘三美具焉朱君其必無辭余心儀朱君久矣戚戚有獲亟以朱君名請于

上咸報可愛開局傳經書院朱君固辭凡數往而後至取新舊三志損益折衷之成書二十卷離其目爲若干肇始于癸酉春訖事于甲戌夏豈樂爲是透遲哉蓋至詳且慎也雖然言志於今日亦甚難矣天官輿地有志保無有引星經而濫書瑞應越

畛域而橫稱勝蹟者乎學校饗祀有志保無有釋奠之文弗詳于頒藻所報之義不講於明禮者乎縣紀志矣而沿革異制建置志矣而興廢異時風土志矣而俗殊污隆產別物利其條分而縷晰者誰乎賦役以經國河防以利民志詎可忽歟願爲斂不一條疏排不一法求其情關民瘼戒謹衣冠洞然於胸而瞭然於筆者亦未數數見也蒞治之賢否莫重於官師閭黨之勸懲端視乎先進則秩官選舉人物三者尤宜加詳焉然忠節循良名賢

潛江縣志

卷之首

劉序

五

隱逸稽之遠古概難多得今論吏治則人盡卓魯攷德行則戶是顏曾老而耆者以節名貴而休者以隱著甚者菟文一志原以紀地方利病著經濟遠猷是不可濫收也今則視崇庫以爲去取鄙言惡札連篇繇繇人物藝文至今何獨盛也修志如此而欲具裁於史館昭信於來世其亦難矣然豈所以語朱君哉朱君久讀東觀書天下通志無不流覽義例燉惡燭照計數故今者蒙筆事期乎信議採乎公文法乎古前賢之功在桑梓而湮沒者

攷諸家譜以表揚之列傳品題而未當者徵諸碑
乘而論定之刪譌正舛搜索精嚴間有疑義與余
不憚往復質論不市恩不恤怨庶幾古良史遺風
焉余承乏潛江閱今五載凜凜焉時負曠官之懼
是役也上副

聖天子一統同文之盛下舉數十年微顯闡幽之典余
亦藉手朱君可告無罪矣書成余捐薄俸以壽梨
棗命吏局鑰藏弄所望後之君子讀斯志者勿徒
視爲紙上空文農桑是課不使有荒蕪之土田生

潛江縣志卷之首 劉序

六

聚維勤無致有虛耗之戶口念民情之愚而化導
之恤士氣之衰而興作之剔奸布惠酌古匡時俾
荒陬僻壤皆歌樂土將鴻勳駿業與潛之川林原
隰輝映不朽豈非厚幸與

皆

康熙三十三年歲次甲戌夏五月之吉

邑令金明劉 煥撰

重修潛江縣志叙

清澗劉公蒞潛五年矣本休休惇大之懷而識裕
才優振綱挈領百度聿興自公之餘取邑志反覆
尋玩見其篇次散漫字句脫誤如蠹書鳥跡之不
可讀非所以信當代昭來禩也作而曰邑有志猶
家有乘國有史雖記事之書要皆有風厲之旨焉
嗣而葺之此最今日急務但其學其才其識非其
人莫任博採名宿僉以邑紳朱君悔人對爰治傳
經書院三往迎致之朱君通儒也探四部之精蘊

潛江縣志卷之首 朱序

七

蠟屐畫舫踪跡徧南北爲

輦下諸公所推授書國塾金張小侯多出其門今需次
家食屈於大夫聘使乃博蒐遺書周咨故老閉戶
澄觀筆削校讐閱寒暑而志成其辨而不華則司
馬也其詳而有體則孟堅也其矩矱則一本於紫
陽一俊循環之未嘗不流連三歎也

今天子以天縱之姿振斯文之統萬國咸宣徵文考獻
豈容或畧若潛之今志凡數十年來政治之得失
文質之損益人物之迭興謠俗之屢變數取其詳

義歸於確朱君有詞皆大夫命之也行將上之

賞山儼然古名臣陳水旱而奏幽風至於繕寫之工裝

載之肅亦深得涑水進通鑑遺意於此見我公事

君之敬焉謹按凡例於修渠墾田興學勸士數大務尤

爲加意蓋潛以澤稱淤決利害之故大矣公數馳

單車越陌度阡爲民計桑土又以人倫明而人才

盛未有不由於學校者以時鳩庀

廟貌輝赫夫隄防固則城池戶口田賦物產舉視諸此

學校修則選舉名賢孝義節烈舉視諸此今志所

潛江縣志

卷之首

宋序

八

書孰非公之力興富教足以法今而傳後者不啻

父母之爲子孫計久遠也於此歎我公愛民之誠

焉嘗讀緇衣之詩贈炙千古以其虛懷樂善也今

朱君雖潔清自好謝絕餽遺而公適館之忱極忠

且敬專其委任而不間以人言暇輒慰勞預證決

焉志成以助政教以表風俗人謂言氏之有澹臺

今猶夫昔也於此歎我公好賢之雅焉且賢如朱

君具有三長復備三善克裨名教益令人歎服不

置聞康熙壬子邵陽王公之志潛也延朱君太公

石戶先生共事編摩未脫草而王公擢諫垣去故

迄無完書石戶先生居嘗悵悵今地下之人慰矣

若談之有遷彪之有固所以繼父志也朱君之學

師承邵陽者也昔邵陽令潛多善政時會遷移漸

更故轍朱君理其志而修復之凡所設施俾無隕

墜所以闡師學也李子世儒爲朱君研席交才逸

行端玉樓蚤赴名幾湮沒弗彰朱君特徵顯闡幽

協於公論所以篤友誼也嗟乎文章一道至史尤

難家孟季俱忝列史職期是非不謬於聖人常以

潛江縣志

卷之首

宋序

九

弗克勝任是懼一俊膺潛鐸幸逢盛典以朱君之

學之才之識雖有東里無所施況一俊負質樸魯

其敢妄肆是非於丹黃之下耶惟樂其成而據蠶

管之所及者質言以書諸末簡若大夫之鴻猷異

政他日彪炳海宇自有旂常竹帛與掌

國史者大書特書豈余詹詹小言所能罄其萬一乎

謹序

潛江縣儒學訓導黃岡宋一俊拜撰

潛江縣志序

潛江縣新志者君侯清澗劉公慨然有事於前侯邵陽王公垂成之典暨邑大儒石戶朱先生應聘而出其腹笥薈聚揚推規撫粹然具矣無何邵陽公入諫垣慘黜之氛孔熾朱先生遯荒攝疴無暇命子墨所存藁本僅數卷在架閣者率漫漶無倫脊吾鄙未嘗不太息於斯焉至是君侯以禮爲羅專屬之先生長公吾友朱晦人氏迺克負厥考之重荷師承邵陽公大指恢廓光大之而成是書也

潛江縣志卷之首

莫序

十

君侯蒞惠吾潛閱五稔振興綏乂式謂且舞延登簡在之需時重念潛雖敷澤介江漢之匯支鄂僻荆曩者疆事之不虞輸輓郵頓所悉集墟疏而善徙歲歲與蠟獮爭命下農終其鉏耨乏車牛遠服之利甯人子乾餼不給或漸於罌縫掖守佔畢維謹淵源濡染不乏方聞之士而謹譁以煩鱣撻者不恆有此其大較也邑誌之弗修自萬厯中葉迄今且八九十年時亟變而事彌滋凡邑土田之俄沃俄磽戶版之倏盈倏縮租挈踐更之或均或駁

先賢士大夫之壁畫指陳者或語而弗詳變故以

來穀魄貞媛之并薨嬰荼者或堙而弗耀苟掌故

之罕備其何能國君侯之汲汲爲已任也固宜君

侯惇敏肅括布施之優裕謚如也迺時時屏騶御

就館局中與悔人數衽細論參伍絜量勿狃於膠

柱勿侈於更紕比周勿徇浮聲勿獵凡誌一事必

闡發其處置是事之宜誌一人必推見其人歲久

論定生平不欲自白之至隱俾司牧者讀之喟興

其忠勤利民之志而大書特書歟隱貞哀之故尤

潛江縣志卷之首

莫序

十一

足以祈進滌濯交勉於善而不劬尙輶軒使者采謠俗以上於

天子昭其戒董風示州郡大小侯事底於由庚無難邑

乘之良不誠與左右史相表裏矣乎若作梓材維

君侯式樸斲之維悔人式丹腹之展采之實與行

違之文交鬯而競爽洋洋焉疊疊焉眎楚國舊典

長沙襄陽諸紀載茂如矣或有獻疑於予者謂章

楓山誌蘭谿康德涵誌武功纔百餘版耳到於今

稱之文之繁簡宜何居予听然而笑是知臆脛之

不可以續而不知鶴脰之不可以斷也司馬子長
記二千餘年事成數十萬言班孟堅記二百餘
年事成亦數十萬言蓋眎遠者識修短眎邇者
辨黔皙非自治之有費與勿費也勢則然也夫文
繁簡豈一端而已亦其言之各有當也議者迺欲
取隆萬以前之章篇律啟禎以後之宮懸何其固
歟海內知言之君子不乏君山玄晏其人者析羽
注旌蔚爲弁首非埜人老且既所克勝任也姑識
其端委於末簡云

潛江縣志

卷之首

莫序

士

康熙三十有三年龍集甲戌星虛之次

邑人八十叟莫與先拜撰

重修潛江縣志序

嘗記吾師阮亭王先生之言曰海內邑志最善者
無踰義烏而黃涓王先生又亟稱武功義烏志出
黃文獻潛手武功志出康修撰海手俱以邑人修
邑志辭簡而核旨約而嚴蓋謂得其人志其事而
始足傳也予質鈍以蒙少曾涉獵經史長游京洛
從學於二王先生竊聞其論古今得失上而墳典
邱索下而志傳表紀躬承指授十年於茲念久遠
養兩親鼓枻南歸時邦大夫清澗劉侯令吾邑三
年矣政教翔洽百廢具舉顧邑志之未修謬以編
輯見屬予遜謝未敢承侯重辱使命曰昔萬厯間
前令潘公修縣志邑副使歐陽公侍御劉公西鄉
令李公實共厥事今君拒之爾爾豈不潘令我乎
同里諸學士大夫亦遣劄使曰百年典章君所習
諳先達名公卿待論定者幾何人興革利病待酌
定者幾何事願勿違使君之請先君子呼載震命
之曰而不憶邵陽公修志乎於役蒐討老人有一
日之勞大業未竟將恐遺憾地下今得賢使君修

潛江縣志

卷之首

朱序

士

明自任宿願可售而奈何逡巡不赴乎義不敢再
辭侯遂以載震姓名聞之

臺憲郡伯譔期赴局檢舊志尋釋爰知修輯之不易
吾潛尤甚焉潛志創輯爲豐城崔公繼輯爲婺源
潘公三輯爲邵陽王公崔志紀述弗備闕漏恆多
始宋乾德迄明成化志僅一帙抑何陋與潘志視
崔則進矣王公之志先君子與過舫向公共事編
纂論次精體例崔王公方欲校二家論斷以歸畫
一而掖垣

潛江縣志

卷之首

朱序

古

命下無暇卒業向公與先君子各屏跡荒村書迄無成
夫居今而知上古以有圖史之可稽也今志乘簡
畧如此一邑之沿革豈能憑虛臆斷乎古人國史
之無稽類參家乘吾邑鉅公碩輔代不乏人歲月
寢遠孫子散亡無從問其譜牒間有存者而其後
什襲之不以示人甚且令子慈孫欲表彰其先世
以鴻儒石隱忠節孝義紛紛踵告概徇所請何堪
傳信潛濱河而處其民皆窳鮮蓋藏吏善因緣爲
奸蒞斯土者愷悌之績簡不勝書而虐民棍政亦

復不少將錄其實恐涉質直以中所諱顧前事者
後事之師不縷晰其臧否後人何所鑒戒而觀法
乎予搦管踟躕深懼有負任使賴侯以虛明之懷
精嚴之識時相訂晰其名蹟災祥土風典禮諸條
有往事之可徵者則筆之否則闕其疑勿蹈附
會其士女之懿行往徵諸故籍近致之鄉計匪是
勿收以滋冒濫其愚政之設施某也得某也失孰
爲廢孰爲興必核必信不浮夸不曲諱以侈鋪陳
每一卷成侯與予必反覆點勘而後授梓未嘗瞻

潛江縣志

卷之首

朱序

五

顧於楮墨之間閱寒暑而竟事夫潛六百年來其
賢侯之炳烺者崑山朱公均徭築城以衛民生邵
陽王公清田賦禁協夫以除民害皆萬世利也若
夫合累志爲筆削著百代之勸懲則清澗劉公之
功德又並崑山邵陽而三之焉所媿者予鹿鹿研
北得執筆操鉛以從公不朽語曰蒼蠅千里附驥
驥而致之者殆公與予之謂與

康熙甲戌夏五月上浣

邑人朱載震拜手謹撰

潛江縣志舊序

記事者必提其要今既因邑以作志凡百皆統於邑必首之以分野次之以輿地其縣治公署物產貢賦學校人材禮樂風俗祀典文獻忠義名節必皆次以書之然後綱舉目張燦然可觀又曰記事失之泛畧則非實錄必事事之顛末考之加詳訂之加密然後滄海不歎遺珠崑山不混玉石予因是承其志復次其事之先後考其事之是非類編以成帙焉將壽諸梓又屬予序之夫修志固賢侯之盛心而作志之綱目務在畢舉事實必

潛江縣志

卷之首

舊序

一

貴綜核尤見其學識之充周顧予安敢辭以固陋乎切惟古之居一里者生男必問史書之是一里猶有志也況一邑乎邑志合而後爲郡志郡志合而後爲國志國志合而後爲天下一統志從古爲然昔我英宗睿皇帝臨御之日萬幾之暇乃命儒臣合列國之志編成大明一統志昭示天下於戲是書乾坤之量包括乎宇宙日月之光照耀乎古今猗歟盛哉顧茲邑志草創不易討論尤核固亦曰備他日郡國之采也然綱目絕無舛戾事蹟頗自精詳非承賢侯之志烏能成此一邑之書乎

名華字文美其操心爲政固見於名宦傳中若其大修學校振作士氣裁革弊政休養生民尤其所急故併書之以告將來弘治壬戌孟春潛江縣教諭豐城崔崑撰

又

邑固有志乎曰有晉乘楚檣杌非志也與哉志可爲史乎曰不可史具善惡志有善無惡史以年紀月月紀日日紀時時紀事志詳於事而年月日時錯見非史體也然則志遂不可爲史乎曰謹祥異悉疆界蒐財賦列人物明時制輯百家厥技採言之善者著于篇亦古史

潛江縣志

卷之首

舊序

二

遺意也志不史而史也潛爲邑弗肇於古禹貢書浮於潛傳云自漢出爲潛潛四境皆漢四百里而合於江今之潛由古之潛舊隸於荆爲屬邑世皇纂統割入郢遂爲郢地郢屈宋故墟也山川錯麗至潛盤迴漫衍人文之盛幾與郢等余至潛甫下車卽詢邑乘漫滅無紀慨然請之憲臬旣得允則徧就縉紳先生之廬而訪焉因開局延憲副歐陽君侍御劉君令尹李君董其事而以文學李生張生先後校輯自春迄冬越九月成編凡天文輿地建置戶口物產錢幣人物技藝畢舉與革之際

間有取裁焉因悉出俸帑付剗刷氏卽不敢方之古亦近日之良史也雖然余嘗謂潛有三美五蠹其君子秀而文其小人樸而野其俗質俚而鮮浮僞畏吏議甚於蛇蝎是爲三美皇莊王田錯壤而列佃民挾倨縣官不能制北受襄川之流南接荆岷之派春夏水溢防隄稍疏衝囓爲患田廬渰蕪時漂溺於洪濤巨波之間人無百年之業土廣人稀歲歉四方就食歲稔還問里閭輒稱祖塋有數十年之後易姓受戶而爭訟笑出有司不察憐其流移輒與收復遂釀成絕戶佃價之說以爲是

潛江縣志

卷之首

舊序

三

固當然地接襄郢通景沔荆江四通之途差使往來絡繹不絕養馬之家什九仆死什八逃移一歲數易給募更替四顧郊圻無高山大阜之隔民易轉徙爲奸急則竄匿莫可究詰是爲五蠹具三美兼五蠹予欲削蠹以全美而力不能今且搜括四出而民生日耗矣司牧者奈之何其以邑全也噫美者自美是務崇之蠹者爲蠹是務委曲調停之是在良有司耳此又誌外遺意也是爲叙時萬曆庚子初冬吉日

賜同進士出身文林郎知潛江縣事婺源潘之祥撰

又

今天下郡國州邑率有志義不過隨其疆土風氣民物謠俗之常而布諸方冊以爲觀省者據跡爾非屑屑焉續綴爲耳目張也余觀禹貢周職方則固志邑者權輿矣今言之抑何其瑣悉而近俚也夫其田賦有高下墾墾有黎赤九鎮九澤不同區五戎八蠻不同服列而載之宜也乃若篠簜箇簠准蠙江龜海錯之纖繁以至於男女閭閻村落器資等物至微至賤有閭井小民所不能口之公司縉紳先生所不及形之顧問者而二經咸

潛江縣志

卷之首

舊序

四

取而收載之不遺餘力求所謂殊原勝聞魁閎綺麗之語則寥寥無少概見焉然後知古聖人紀蹟命意無一非根于方域因乎民生日用而罔所庸浮文美節也晚近學士家厭薄一切飲食居處而恢輝之卽有事于輯志者延英分局厯以歲時剗刷而著行豈不亦裒然足述乎乃覈其中之就實焉蔑如矣故討論疎則掛漏難出黨附人則諛貶互乖甚者管窺道聽之見害且移睦于城郭陵谷焉余嘗觀水經所紀洪源東駛沿襄郢達內方折於蘆泐河始知遶而匯蓄爰是爲潛水然則潛